




玉函山房輯佚書

口 11  
1236  
71

七十一





Faint red stamp on the left page, possibly containing illegible characters.

門  
知  
1236  
71



范子計然三卷周范蠡撰蠡爲越大夫事蹟詳史記  
越王句踐世家及貨殖列傳裴駟集解引太史公素  
王妙論曰蠡南陽人列仙傳曰蠡徐人張守節正義  
引會稽典錄云范蠡字少伯楚宛三戶人又引越絕  
云在越爲范蠡在齊爲鴟夷子皮在陶曰朱公又曰  
居楚爲范伯書名計然者據本書計然蔡卽濮上人  
姓辛氏字文子徐廣史記音義云范蠡之師也各研  
司馬貞史記索隱計然吳越春秋謂之計偁又謂偁  
與研是一人漢隋志皆不著錄唐書藝文志有范子

計然十五卷注范蠡問計然答馬總意林云范子十一  
 二卷案鄭樵通志氏族略云越有范蠡著書曰計然  
 又宰氏注引范蠡傳范蠡師事計然姓宰氏字文子  
 意者宰為宰字之誤漢志農家宰氏十七篇或即計  
 然歟賈思勰齊民要術嘗引之是北魏時其書尚行  
 隋志偶未及載耳今久散佚越絕書載計碗內經是  
 本書之一篇吳越春秋史記藝文類聚初學記太平  
 御覽等書亦多引之輯為三卷書於物之出皆用郡  
 縣後人屏入者有之至其熟悉物情而善觀時變其

真自不可掩也歷城馬國翰竹吾甫

范子計然卷上

周 范蠡 撰

內經

昔者越王句踐既得反國欲陰圖吳乃召計倪而問焉曰吾欲伐吳恐弗能取山林幽冥不知利害所在西則迫江東則薄海水屬蒼天不知所止交錯相過波濤濬流沉而復起因復相還浩浩之水朝夕既有時動作若驚駭聲音若雷霆波濤援而起船失不能救不知命之所維念樓船之苦涕泣不可止非不

欲爲也時返不知所在謀不成而息恐爲天下咎以  
敵攻敵未知誰負大邦旣已備小邑旣已保五穀旣  
已收野無積庾廩糧則不屬無所安取恐津梁之不  
通勞軍紆吾糧道吾聞先生明於時交察於道理恐  
動而無功故問其道計倪對曰是固不可興師者必  
先蓄積食錢布帛不先蓄積士卒數饑饉則易傷重  
遲不可戰戰則耳目不聰明耳不能聽視不能見什  
部之不能使退之不能解進之不能行饑饉不可以  
動神氣去而萬里伏弩而乳郅頭而皇皇疆弩不穀

發不當旁軍見弱走之如犬逐羊靡從部分伏地  
而死頓後僵與人同時而戰獨受天之殃未必天  
之罪也亦在其將王興師以年數恐一旦而亡失邦  
無明筋骨爲野越王曰善請問其方吾聞先生明於  
治歲萬物盡長欲聞其治術可以爲教常于時以告  
我寡人弗敢忘計倪對曰人之生無幾必先憂積畜  
以備妖祥凡人生或老或弱或疆或怯不早備生不  
能相葬王其審之必先省賦斂勸農桑饑饉在問或  
水或塘因熟積以備四方師出無時未知所當應變

而動隨物常羊卒然有師彼日以弱我日以強得世之和擅世之陽王無忽忘慎無如會稽之饑不可再更王其審之嘗言息貨王不聽臣故退而不言處於吳楚越之間以魚三邦之利乃知天下之易反也臣聞君自耕夫人自織此竭於庸力而不斷時與智也時斷則循知斷則備知此二者形於體萬物之情短長逆順可觀而已臣聞炎帝有天下以傳黃帝黃帝於是上事天下治地故少昊治西方蚩尤佐之使主金玄冥治北方白辨佐之使主水太皞治東方袁何

佐之使主木祝融治南方僕程佐之使主火后土治中央后稷佐之使主土竝有五方以爲綱紀是以易地而輔萬物之常王審用臣之議大則可以王小則可以霸於何有哉越王曰請問其要計倪對曰太陰三歲處金則穰三歲處水則毀三歲處木則康三歲處火則旱故散有時積糴有時領則決萬物不過三歲而發矣以智論之以決斷之以道佐之斷長續短一歲再倍其次一倍其次而反水則資車旱則資舟物之理也天下六歲一穰六歲一康凡十二歲一饑

是以民相離也故聖人早知天地之反爲之預備故湯之時比七年旱而民不饑禹之時比九年水而民不流其主能通習源流以任賢使能則轉輻乎千里外貨可來也不習則百里之內不可致也人主所求其價十倍其所擇者則無價矣夫人主利源流非必身爲之也視民所不足及其有餘爲之命以利之而來諸侯守法度任賢使能償其成事傳其驗而已如此則邦富兵強而不衰矣羣臣無空恭之禮淫佚之行務有於道術不習源流又不任賢使能諫者則誅

則邦貧兵弱刑繁則羣臣多空恭之禮淫佚之行矣夫諛者反有德忠者反有刑去刑就德人之情也邦貧兵弱致亂雖有聖臣亦不諫也務在諛主而已矣今夫萬民有明父母亦如邦有明主父母利源流明其法術以任賢子徼成其事而已則家富而不衰矣不能利源流又不任賢子賢子有諫者憎之如此者不習於道術也愈信其意而行其言後雖有敗不自過也夫父子之爲親也非得不諫諫而不聽家貧至亂雖有聖子亦不治也務在於諛之而已父子不和



兄弟不調雖欲富也必貧而日衰越王曰善子何年  
少於物之長也計倪對曰人固不同惠種生聖癡種  
生狂桂實生桂桐實生桐先生者未必能知後生者  
未必不能明是故聖主置臣不以少長有道者進無  
道者退愚者日以退聖者日以長人主無私賞者有  
功越王曰善論事若是其審也物有妖祥乎計倪對  
曰有陰陽萬物各有紀綱日月星辰刑德變爲吉凶  
金木水火土更勝月朔更建莫主其常順之有德逆  
之有殃是故聖人能明其刑而處其鄉從其德而避

其衡凡舉百事必順天地四時參以陰陽用之不審  
舉事有殃人生不如卧之頃也欲變天地之常數發  
無道故貧而命不長是聖人并苞而陰行之以感愚  
夫衆人容容盡欲富貴莫知其鄉越王曰善請問其  
方計倪對曰從寅至未陽也太陰在陽歲德在陰歲  
美在是聖人動而應之制其收發當以太陰在陰而  
發陰且盡之歲亟賣六畜貨財以益收五穀以應陽  
之至也陽且盡之歲亟發糶以收田宅牛馬積斂貨  
財聚棺木以應陰之至也此皆十倍者也其次五倍

天有時而散是故聖人反其刑順其衡收聚而不散  
越王曰善今歲比熟尚有貧乞者何也計倪對曰是  
故不等猶同母之人異父之子動作不同術貧富故  
不等如此者積負於人不能救其前後志意侵下作  
務日給非有道術又無上賜貧乞故長久越王曰善  
大夫佚同苦成嘗與孤議於會稽石室孤非其言也  
今大夫言獨與孤比請遂受教焉計倪曰糴石二十  
則傷農九十則病末農傷則草木不辟末病則貨不  
出故糴高不過八十下不過三十農末俱利矣故古

之治邦者本之貨物官市開而至越王曰善計倪乃  
傳其教而圖之曰審金木水火別陰陽之明用此不  
患無功越王曰善從今以來傳之後世以爲教乃著  
其法治牧江南七年而禽吳也甲貨之戶曰漆爲上  
物賈七十乙貨之戶曰黍爲中物石六十丙貨之戶  
曰赤豆爲下物石五十丁貨之戶曰稻粟令爲上種  
石四十戊貨之戶曰麥爲中物石三十己貨之戶曰  
大豆爲下物石二十庚貨之戶曰穞比蔬食故無賈  
辛貨之戶曰菓比蔬食無賈壬癸無貨

越絕書

陰謀

六十九卷二十四

越王句踐十年二月越王深念遠思侵辱於吳蒙天  
祉福得返越國羣臣教誨各畫一策辭合意同句踐  
敬從其國已富反越五年未聞敢死之士或謂諸大  
夫愛其身惜其軀者乃登漸臺望觀其羣臣有憂與  
否相國范蠡大夫種句如之屬儼然列坐雖懷憂慮  
不形顏色越王卽鳴鐘驚檄而召羣臣與之盟曰寡  
人獲辱受耻上愧周王下慙晉楚幸蒙諸大夫之策  
得返國脩政富民養士而五年未聞敢死之士雪仇

之臣奈何而有功乎羣臣默然莫對者越王仰天歎  
曰孤聞主憂臣辱主辱臣死今孤親被奴虜之厄受  
囚破之耻不能自輔須賢任仁然後討吳重負諸臣  
大夫何易見而難使也于是計硯年少官卑列坐于  
後乃舉手而趨蹈席而前進曰謬哉君王之言也非  
大夫易見而難使君王之不能使也越王曰何謂計  
硯曰夫官位財幣金賞者君之所輕也操鋒履刃艾  
命投死者士之所重也今王易財之所輕而責士之  
所重何其殆哉于是越王默然不悅而有愧色卽辭

羣臣進計硯而問曰孤之所得士心者何等計硯對曰夫君人尊其仁義者治之門也士民者君之根也開門固根莫如正身正身之道謹左右左右者君之所以盛衰者也願王明選左右得賢而已昔太公九聲而足磻溪之餓人也西伯任之而王管仲魯之亡囚有貪分之毀齊桓得之而霸故傳曰失士者亡得士者昌願王審于左右何患羣臣之不使也越王曰吾使賢任能各殊其事孤虛心高望冀聞報復之謀今咸匿聲隱形不聞其語厥咎安在計硯曰選賢實

士各有一等遠使以難以效其誠內告以匿以知其信與之論事以觀其智飲之以酒以視其亂指之以使以察其能示之以色以別其態五色以設士盡其實人竭其智知其智盡其實則君臣何憂越王曰吾以謀士效實人盡其智而士有未盡進辭有益寡人也計硯曰范蠡明而知內文種遠以見外願王請大夫種與深議則霸王之術在矣越王乃請大夫種而問曰吾昔日受夫子之言自免於窮厄之地今欲奉不羈之計以雪吾之宿仇何行而功乎大夫種曰臣

聞高飛之鳥死于美食深泉之魚死于芳餌今欲伐吳必前求其所好參其所願然後能得其實越王曰人之所好雖其願何以定而制之死乎大夫種曰夫欲報怨復仇破吳滅敵者有九術君王察焉越王曰寡人被辱懷憂內慙朝臣外愧諸侯中心迷惑精神空虛雖有九術安能知之大夫種曰夫九術者湯文得之以王桓穆得之以霸其攻城取邑易于脫屣願大王覽之種曰一曰尊天事鬼以求其福二曰重財幣以遺其君多貨賄以喜其臣三曰貴糴粟橐以虛

其國利所欲以疲其民四曰遺美女以惑其心而亂其謀五曰遺之巧工良材使之起宮室以盡其財六曰遺之諛臣使之易伐七曰彊其諫臣使之士殺八曰君王國富而備利器九曰利甲兵以承其弊凡此九術君王閉口無傳守之以神取天下不難而況于吳乎越王曰善

吳越春秋

富國

十一年越王深念承思惟欲伐吳乃請計硯問曰吾欲伐吳恐不能破早欲興師惟問于子計硯對曰夫

興師舉兵必且內蓄五穀實其金銀滿其府庫勵其甲兵凡此四者必察天地之氣原于陰陽明于孤虛審于存亡乃可量敵越王曰天地存亡其要奈何計硯曰天地之氣物有死生原陰陽者物貴賤也明孤虛者知會際也審存亡者別真偽也越王曰何謂死生真偽乎計硯曰春種八穀夏長而養秋成而聚冬畜而藏夫天時有生而不救種是一死也夏長無苗二死也秋成無聚三死也冬藏無畜四死也雖有堯舜之德無如之何夫天時有生勸者老作者少反氣

應數不失厥理一生也留意省察謹除苗穢穢除苗盛二生也前時設備物至則收國無逋稅民無失穗三生也倉已封塗除陳入新君樂臣歡男女及信四生也夫陰陽者太陰所居之歲留息三年貴賤見矣夫孤虛者謂天門地戶也存亡者君之道德也越王曰何子之年少于物之長也計硯曰有美之士不拘長少越王曰善哉子之道也乃仰觀天文集察緯宿歷象四時以下者上虛設八食從陰收著望陽出糶筴其極計三年五倍越國熾富句踐歎曰吾之霸矣

善計視之謀也

同上

范子計然卷中

計然者葵邱濮上人姓辛氏字文子其先晉國亡公

子也

意林引脫亡字據史記集解補御覽引作晉三公字

博學無所不通

意林引無

此句據御覽補

為人有內無外形狀似不及人少而明學陰

陽見微而知著其行浩浩其志汎汎

洪邁容齋續筆作沉沉

不

肯自顯諸侯所利者七國天下莫知故稱曰計然時

遨遊海澤號曰漁父嘗南遊越

意林引無此句據史記集解補

范蠡

請見越王計然曰越王為人鳥喙不可與

與字據容齋續筆補

同利也

馬總意林卷一也下接嘗南遊

越范蠡師事之文選曹子建

求通親親表李善注引略同史記集解無姓氏名

交子句有稱曰計然句按二書所引師事句蓋約下

交意太平御覽卷九百二十四引作計然者蔡邕

漢上人晉三公子姓辛各文字博學無所不通范

蠡知其賢人卑身事之請受道藏於石室乃刑白鶴

而盟焉御覽卷九百二十四

計然曰知鬪則修備時用則知物二者刑則萬貨之

情可得而觀已故歲在金穰水毀木饑火旱王充論衡明零

篇引作太歲在子水毀金穰旱則資舟水則資車物

木饑火旱與史記引小異

之理也六歲穰六歲旱一二歲大饑夫糶二十病農

九十病末末病則財不出農病則草不辟矣上不過

八十下不減三十則農末俱利平糶齊物關市不乏

治國之道也稽著之理務完物無息幣以物相貿易

腐敗而食之貨勿留無敢居貴論其有餘不足則知

貴賤貴上極則反賤賤下極則反貴貴出如糞土賤

取如珠玉財幣欲其行如流水史記貨殖列傳

堯舜禹湯皆有預見之明雖有凶年而民不窮王曰

吾以丹書帛致之枕中以為國寶賈思魏齊民要術卷三太平御覽卷

七百七並引管子

五穀者萬民之命國之重寶是故無道之君及無道

管子計然

卷中

二 嬭嬛館補校



之民皆不能積其盛有餘之時以待其衰不足也齊

要術卷三歐陽向藝文類聚卷八十五太平御覽卷八百三十不引並同文選張平子東京賦注引

首二句

東方多麥南方多稻西方多麻北方多菽中央多禾

五土之宜各有高下高而陽者多豆乎而陰者多五

穀徐堅初學記卷二十七引東方多麥上有五穀者萬民之命國之重寶蓋本通上而引者節刪今移

又作五土之所宜也又卷三十六作夫地有五土

宜之

天者陽也規也地者陰也矩也文選東京賦注

度如環無有端周迴如循環未始有極文選張茂先屬志詩注

子范

日行天日一度周而復始循環無端太平御覽卷三吳淑事類賦注

日者火精也火者外景主晝居晝而為明處照而有

光初學記卷一太平御覽卷三

月水精內景太平御覽卷四

日者一也月者尺也尺者紀度而成數也寸者制萬

物陰陽之短長也太平御覽卷三廣韻入聲十月注引月者尺也二句

月行疾二十九日三十日間一與日合取日之度以

為月節

太平御覽卷四

風為天氣雨為地氣風順時而行雨應風而下命曰天氣下地氣上陰陽交通萬物成矣

太平御覽卷十

德取象于春夏刑取象于秋冬

太平御覽卷二十二

周髀云冬至三光微夏至三光盛

太平御覽卷二十三

掩目別白黑雖時時一中猶不知天道也論陰陽有

時誤中耳

意林卷一引上三句作

太平御覽卷三百六十六雖一時中道下有也字

范子問何用九宮計然曰陰陽之道非獨于一物也

意林卷一

聖人之變如水隨形形平則平形險則險

意林卷一太平御覽

卷四百一

古者庶人老耄而後衣絲其餘則麻棗而已故曰布衣今富者綺繡羅紈素締冰錦也

初學記卷二十七

人受命於天地變化而生一月而膏二月而脈三月而胚謂如水胞之狀四月而胎謂如水中鰕蟾胎也五月而筋六月而骨謂血氣變為肉肉為脂脂為骨也七月而成形八月而動九月而躁十月而生

李石續博

物志卷九

范子計然

卷中

四鄰媛館補校

請問九田隨世盛衰有水旱貴賤願聞其旨計然曰諸田各有名其自一官起始以終九官所以設諸田差高下始進退也假令一值錢百金一值錢九百此略可知從一畝至百畝直是大貴之極也

太平御覽卷八百二

十

千里馬必有距虛

文選卷三十四枚叔七發注引范子

范蠡乘偏舟於江湖

後漢書隗囂傳注引計然

天者變化行精氣也令者謂暴風雨霹靂也

瞿曇悉達開元

古經卷一百十二

爭者事之末

白居易六帖引范蠡曰

直木先伐甘井先竭

太平御覽卷一百八十九

范子計然卷下

玉英出藍田

文選班孟堅西都賦又張平子西京賦注又揚子雲甘泉賦注又張景陽七命注又李蕭遠運命論注太平御覽卷八百五

六尺蘭席出河東上價七十

卷七百九

蒲席出三輔上價百

同上

白素出三輔下八百

太平御覽卷八百十四

錦大丈出陳留

太平御覽卷八百十五

能繡細文出齊上價疋二萬中萬下五千

初學記卷二十七

太平御覽卷八百十五引有能字

綈出河東太平御覽卷八十六

白統素出齊魯太平御覽卷八百十九文選謝惠連雪賦注班婕妤怨歌行注並引作

統素出齊又古詩十九首注引作白統素出齊

白蜜出隴西天水太平御覽卷八百五十七

餅出三輔太平御覽卷八百六十

黑鉛之錯化成黃丹丹再化之成水粉太平御覽卷八百十二

犀角出南郡上價八千中三千下一千太平御覽卷八百九十

兔毫出元菟樂浪太平御覽卷九百七

狐皮出天外太平御覽卷九百九

虎魚出東海太平御覽卷九百三十八

螺蛸出三輔上價三百太平御覽卷九百四十六

松脂出隴西如膠者善太平御覽卷九百五十三

柏枝脂出三輔上價七十中三十以下太平御覽卷九百五十四

桑出三輔太平御覽卷九百五十五

蕪荑在地赤心者善藝文類聚卷八十八太平御覽卷九百五十六

蜀椒出武都赤色者善秦椒出隴西天水細者善藝文類聚卷八十九太平御覽卷九百五十八齊民要術卷四引作蜀椒出武都秦椒出隴西天水

阜莢出三輔上價一枚一錢太平御覽卷九百六十

栗出三輔太平御覽卷九百六十四

榎棗出漢中郡太平御覽卷九百七十三

杜若出南郡漢中大者善本草經曰杜若一名杜蘅

太平御覽卷九百八十三

白芷出齊郡以春取黃澤者善也同

石流黃出漢中太平御覽卷九百八十七

石膽出隴西羌道同

赤石脂出河東色赤者善同

凝水石出河東色澤者善同

石鍾乳出武都黃白者善同

禹餘糧出河東太平御覽卷九百八十八

消石出隴道同

滑石白滑者善同

礬石出武都同

空青曾青出巴郡同上 藝文類聚卷八十一引脫曾青

白青出新淦青色者善藝文類聚卷八十一白青又出巴郡大

御覽卷九百八十八引此句又引云白青出白郡

盧青出宏農豫章太平御覽卷九百八十八 藝文類聚引作白青

范子計然 卷下

三娜嬛館補校

石赭出齊郡赤色者善蜀赭出蜀郡太平御覽卷九百八十八

青堊出三輔同上

龍骨出河東同上

茯苓出嵩高三輔太平御覽卷九百八十九

卷柏出三輔同上

厚朴出宏農同上

當歸出隴西無者者善同上

細辛出華陰色白者善同上

續斷出三輔同上

藟蕒本出三輔白色者善同上

附子出蜀武都中白色者善太平御覽卷九百九十

烏頭出三輔中白者善同上

提母出三輔黃白者善同上

雷丸出溪中色者善同上

藜蘆出河東黃者善同上

芍藥生治無枯者善同上

芍藥出三輔同上

野丈人出洛陽同上

危子計然

卷下

人參出上黨狀類人者善太平御覽卷九百九十一

元參出三輔青色者善同上

白沙參出洛陽白者善同上

紫參出三輔赤青色者善同上

茱萸出三輔同上

山茱萸出三輔同上

黃連出蜀都黃肥堅老善同上

防己出漢中洵陽同上

閭茹出武都黃色者善同上

羌華出三輔太平御覽卷九百九十二

黃芩出三輔色黃者善同上

蜀漆出蜀郡同上

防風出三輔白者善同上

石斛出陸安同上

半夏出三輔色白者善同上

射干根如安足同上

遺草出三輔同上

牡丹出漢中河內赤色者亦善同上



紫威出三輔同上

敗醬出三輔同上

石龍芮出三輔同上

雲實生三輔同上

欵冬花出三輔藝文類聚卷八十一

朮出三輔黃白色者善同上

桔梗出河東洛陽太平御覽卷九百九十三

巴豆出巴郡同上

莽草出三輔青白者善同上

狼牙出三輔色白者善同上

麻黃出漢中三輔同上

龍芮出三輔色黃者善同上

黃環出魏郡黃色者善同上

石芸出三輔同上

甘遂出三輔同上

馬刀出三輔同上

霸蕪出霸陵也太平御覽卷九百九十四

楚薰出洛陽也同上

范子計然 卷下

六 姊媛館補校

楚蘅出楚國也

同上

奏蘅出於隴西天水

文選宋玉風賦注

舊根出北地赤色者

善太平御覽卷九百九十六

水萍出三輔色青者

善初學記卷二十七太平御覽卷一千

墨出三輔上價石百六十中三十下十

太平御覽卷六百五

養魚經一卷周陶朱公撰案陶朱公即范蠡史記貨殖列傳范蠡既雪會稽之耻乃喟然而歎曰計然之策七越用其五而得意既已施於國吾欲用之家乃乘扁舟浮於江湖變名易姓適齊為鴟夷子皮之陶為朱公書作於居陶之時故題陶朱公括地志言陶即陶山在齊州平陽縣界陶與齊近故齊君聘而問之書言威王者齊威王也梁七錄作陶朱公養魚法唐書藝文志作范蠡養魚經今佚唯齊民要術及引之陶宗儀說郛弓第一百七有此書蓋亦從要術錄

出經首增多朱公居陶句威王上有齊字當是以意加之而要術所引又作魚池法失載於經茲據訂正思魏謂如朱公收利未可頓求然依法為池養魚必大豐足終天靡窮斯以無貲之利也余甚趨乎其言歷城馬國翰竹吾甫

養魚經

周 陶朱公 撰

威王聘朱公問之曰聞公在湖為漁父在齊為鴟夷子皮在西戎為赤精子在越為范蠡有之乎曰有之曰公任足千萬家累億金何術乎朱公曰夫治生池法有五水畜第一水畜所謂魚池也以六畝地為之池中有九洲求懷子鯉魚長三尺者二十頭牡鯉魚長三尺者四頭以二月上庚日內池中令水無聲魚必生至四月內一神守六月內二神守八月內三神

一 鄭媛館補校

守神守者鼈也所以內鼈者魚滿三百六十則蛟龍  
 爲之長而將魚飛去內鼈則魚不復去在池中周遶  
 九洲無窮自謂江湖也至來年二月得鯉魚長一尺  
 者一萬五千枚三尺者四萬五千枚二尺者萬枚枚  
 直五十得錢一百二十五萬至明年得長一尺者十  
 萬枚長二尺者五萬枚長三尺者五萬枚長四尺者  
 四萬枚留長二尺者二千枚作種所餘皆取錢五百  
 一十五萬錢候至明年不可勝計也王乃於後苑治  
 地一年得錢三十餘萬池中九洲八谷谷上立水二

尺又谷中立水六尺所以養鯉者鯉不相食又易長

也賈思勰齊民要術卷六太平御覽卷九百三十五

引多脫略陶宗儀說郛弓第一百七首有朱公居陶齊


又作魚池法三尺大鯉非近江湖倉卒難求若養小

魚積年不大欲令生大魚法要須截取藪澤陂湖饒

大魚之處近水際土二十數載以布池底二年之內

即生大魚蓋由土中先有大魚子得水即生也齊民要術

卷六



尹都尉書一卷漢尹氏撰名字里居俱無攷都尉其  
 官號也漢志農家有尹都尉十四篇注不知何世考  
 汜勝之書曰驗美田至十九石中田十三石薄田一  
 十石尹澤取滅法神農復加之尹澤疑都尉之名意  
 其為漢成帝以前人也其書隋志不著錄唐志三卷  
 今佚案藝文類聚太平御覽並引劉向別錄云尹都  
 尉書有種瓜篇種芥葵蓼薤蔥諸篇今所傳齊民要  
 術備載其法據補得六篇學圃雖細人之事而勸課  
 農夫亦君子所不廢也歷城馬國翰竹吾甫

尹都尉書

漢 尹氏 撰

種瓜篇

太平御覽卷九百七十八劉向別錄云尹都尉書有種瓜篇

收瓜子法常歲歲先取本母子瓜截去兩頭止取中  
 央子又收瓜子法食瓜時美者收卽以細糠拌之日  
 曝向燥按而簸之淨而且速也良田小豆底佳黍底  
 次之刈訖卽耕頻頻轉之二月上旬種者爲上時三  
 月上旬爲中時四月上旬爲下時五月六月上旬可  
 種藏瓜凡種法先以水淨淘瓜子以鹽和之先臥鋤

尹都尉書

一 鄉媛館補校

耨卻燥土然後培坑大如斗口納瓜子四枚大豆三箇於堆旁向陽中瓜生數葉掐去豆多鋤則饒子不鋤則無實五六月種晚瓜治瓜籠法且起露未解以杖舉瓜蔓散灰於根下後一兩日後以土培其根則迴無蟲矣又種瓜法於良美地中先種晚禾熟刈取穗令芟長秋耕之耕法弭縛犁耳起規逆耕耳弭則禾拔頭出而不沒矣至春復順耕亦弭縛犁耳翻之還令草頭出耕訖勞之令甚平種梅穀時種之種法使行陣直兩行微相近兩行外相遠中間通步道

道外還兩行相近如是作次第經四小道通一車道凡一頃地中須開十字大巷道兩乘車來去運輦其瓜都聚在十字巷中瓜生比至初花必須三四遍熟鋤勿令有草生草生脅瓜無子鋤法皆起禾芟令直豎其瓜蔓本底皆令上下四廂高微雨時得停水瓜引蔓皆沿芟上芟多則瓜多芟少則瓜小芟多則蔓廣蔓廣則岐多岐多則饒子其瓜曾是岐頭而生無岐而花者皆是浪花終無瓜矣故令蔓生在芟上瓜懸在下摘瓜法在步道上引手而取勿聽浪人踏瓜

蔓及翻覆之若無艾而種瓜者地雖美好正得長苗  
直引無多繁岐故瓜少子若無艾處豎乾柴亦得凡  
瓜所以早爛者皆由脚躡及摘時不慎翻動其蔓故  
也若以理慎護及至霜下葉乾子乃盡矣  
賈思勰齊民要術卷二

種芥篇

太平御覽卷九百八十劉向別錄云尹都尉書有種芥葵蓼薤蔥諸篇

蜀芥莖莖取葉者皆七月半種地欲糞熟蜀芥一畝  
用子一升莖莖一畝用子四升種法與蕪菁同既生  
亦不鋤子十月收蕪菁訖時收蜀芥莖莖足霜乃收

種芥子及蜀芥莖莖取子者皆二三月好雨澤時種  
早則畦種水澆五月熟而收子  
齊民要術卷三

種葵篇

臨種時必燥曝葵子地不厭良故墟彌善薄則糞之  
不宜妄種春必畦種水澆畦長兩步廣一步深掘以  
熟糞對半和土覆其上令厚一寸鐵齒杷耨之令熟  
足蹋使堅平下水令徹澤水盡下葵子又以熟糞和  
土覆其上令厚一寸餘葵生三葉然後澆之每一搯  
輒杷耨地令起下水加糞三搯更種一歲之中凡得



三輩早種者必秋耕十月末地將凍散子勞之人足踐踏之乃佳地釋即生鋤不厭數五月初更種之六月一日種白莖秋葵秋葵堪食仍留五月種者取子於此時附地剪卻春葵冷根生耕生者柔輒至好仍供常食美於秋菜掐秋菜必留五六葉凡掐必待露解八月半剪去耕生肥嫩比至收時高與人膝等莖葉皆美科雖不高萊實倍多收待霜降榜蕨皆須陰中其碎者割訖即地中尋手糺之又種冬葵近州郡都邑有市之處負郭良田三十畝九月收菜後即耕

至十月半令得三遍每耕即勞以鐵齒杷耬去陳根使地極熟令如麻地於中逐長穿井十口井別作桔槔轆轤柳罐令受一石十月末地將凍漫散子唯概為佳散訖即勞有雪勿令從風飛去每雪輒一勞之若令冬無雪臘月中汲井水普勞澆悉令徹澤正月地澤驅踏破地皮春暖草生葵亦俱生三月初葉大如錢逐穢處拔大者賣生一升葵還得一升米日日常投看稀稠得所乃止有草拔卻不得用鋤一畝得葵三載合收米九十車車准二十斛為米一千八百

石自四月八日以後日日剪賣其剪處尋以手拌斫  
斷地令其起水澆糞復之比及剪徧初者還復周而  
復始日日無窮至八月社日止留作秋菜九月指地  
賣兩畝得絹一疋收訖即急耕依去年法勝作十頃  
穀田止須一乘車牛專供此園若糞不可得者五六  
月中糶種菜豆至七月八月犁掩殺之如以糞糞田  
則良美與糞不殊又省功力同上

種蓼篇

歐陽詢藝文類聚卷八十二劉向別錄云尹都尉書有種蓼篇

三月可種荏蓼荏性甚易生蓼尤宜水畦種也蓼作

莖者長二寸則剪之袋盛洗於醬甕中又長更剪得  
嫩者取子者候實成速收之五月六月中蓼可為齏  
以食菹同上

種薤篇

薤宜白軟良地三轉乃佳二月三月種率七八支為  
一本薤子三月葉青便出之燥曝投去孳餘切卻薑  
根先重糶耩地壟燥培而種之率一尺一本葉生即  
鋤鋤不厭數五月鋒八月初耩葉不用剪九月十月  
出賣擬種子至春地釋即曝之同上

種蔥篇

藝文類聚卷八十二劉向別錄云都尉有種蔥書

曹公既與先生言細人規之見其拔蔥

藝文類聚引劉向別錄都

尉有種蔥書下接此條

收蔥子必薄布陰乾勿令浥鬱其擬種之地必須春種菘豆五月穰殺之比至七月耕數徧一畝用子四五升炒穀伴和之兩耬重耩窳瓠下之以批契繼腰曳之七月納種至四月始鋤徧乃剪剪與地平剪欲日起避熱時良地三剪薄地再剪八月止十二月盡掃去枯葉枯袍二月三月出之收子者別留之蔥

中亦種胡荽尋手供食乃至孟冬為菹亦不妨

齊民要術

三卷

汜勝之書二卷漢汜勝之撰漢書注成帝時為議郎  
 劉向別錄使教田三輔有好田者師之晉書食貨志  
 昔漢遣輕車使者汜勝之督三輔種麥而關中遂穰  
 文選注引王隱晉書云汜勝之敦睦九族廣韻二十  
 九凡汜字注又姓出燉煌濟北二望皇甫謐云本姓  
 凡氏遭秦亂避地於汜水因改焉漢有汜勝之撰書  
 言種植之事子輯為燉煌太守子孫因家焉鄭樵通  
 志氏族略漢有汜勝之為黃門侍郎此其事蹟可攷  
 者其書舊列農家漢志十八篇隋唐志並二卷今無

傳本散見賈思勰齊民要術按賈書篇輯錄猶得十四篇又從黍稷篇別出種稗從種穀篇別出區田法為篇十六又從文選注藝文類聚太平御覽所引綴為雜篇上下十八篇之書猶完依隋志分為二卷書言樹藝之法親切詳明鄭康成注禮亟引之賈公彥謂漢時農書有數家汜勝為上洵不虛也歷城馬國翰竹吾甫

汜勝之書卷上

漢 汜勝之 撰

耕田篇

凡耕之本在於趣時和土務糞澤早鋤穫春凍解地氣如通土一和解夏至天氣始暑陰氣始盛土復解夏至後九十日晝夜分天地氣和以此時耕田一而當五名曰膏澤皆得時功春地氣通可耕堅硬強地黑墟土輒平摩其塊以生草草生復耕之天有小雨復耕和之勿令有塊以待時所謂強土而弱之也春

候地氣始通椽椽木長尺二寸埋尺見其二寸立春

後土塊散上沒椽陳根可拔此時二十日以後和氣

即土剛以此時耕一而當四和氣去耕四不當一

禮記月令孟春之月草木萌動鄭元注農書曰土長冒椽

陳根可拔耕者急發孔穎達正義鄭所引農書先師

以為汜勝之書也按齊民要術引汜勝之書作土塊

散上沒椽陳根可拔而無耕者急發句應為此節脫

文附著杏始華榮輒耕輕土弱土望杏花復耕耕

輒蘭之文選王元長策秀才文李善注引杏始至蘭

太平御覽卷九百六十八引作杏始華趣耕輕土杏

華落趣耕闌文句與此小異又引云杏花如何可耕

白沙也當屬草生有雨澤耕重蘭之土甚輕者以牛

此處脫文

羊踐之如此則土強此謂弱土而強之也春氣未通

則土歷適不保澤終歲不宜稼非糞不解慎無耕

須草生至可種時有雨即種土相親苗獨生草穢爛

皆成良田此一耕而當五也不如此而旱耕塊硬苗

穢同孔出不可鋤治反為敗田秋無雨而耕絕上氣

土堅培名曰脂田及盛冬耕泄陰氣土枯燥名曰脯

田脯田與脂田皆傷田二歲不起稼則一歲休之凡

愛田常以五月耕六月再耕七月勿耕謹摩平以待

種時五月耕一當三六月耕一當再若七月耕五不

當一冬雨雪止輒以藺之掩地雪勿使從風飛去後雪復藺之則立春保澤凍蟲死來年宜稼得時之利適地之宜田雖薄惡收可畝十石

賈思勰齊民要術卷一

收種篇

牽馬令就穀堆食數口以馬踐過為種無蚜蚘等蟲也種傷溼鬱熱則生蟲也取麥種候熟可獲擇穗大疆者斬束立場中之高燥處曝使極燥無令有白魚有輒揚治之取乾艾雜藏之麥一石艾一把藏以瓦器竹器順時種之則收常倍取禾種擇高大者斬

一節下把懸高燥處苗則不敗欲知歲所宜以布囊盛粟等諸物種平量之埋陰地冬至後五十日發取量之息最多者歲所宜也

同上 太平御覽卷八百  
草雜藏之斬作秆艾作草下接欲知  
歲所宜以下埋陰地作埋陰垣之下

種穀篇

小豆忌卯稻麻忌辰禾忌丙黍忌丑秫忌寅未小麥忌戌大麥忌子大豆忌申卯凡九穀有忌日種之不避其忌則多傷敗此非虛語也其自然者燒黍稷則

害瓠

齊民要術卷一 太平御覽卷八百三十八引  
作稻忌辰別有麻忌辰句在黍忌丑之下大豆

忌申卯作大豆忌甲凡九穀忌日無有字下作不  
種之避其忌不可敗傷諸事忌禁日此非空言也  
其道自然若燒黍穰則害瓠也又卷八百二十七  
引小豆忌卯稻麻忌辰禾忌丑稗忌未小麥忌戌  
大麥忌子

種無期因地為時三月榆莢時雨膏地強可種禾薄  
田不能糞者以原蠶矢雜禾種之則禾不蟲又取馬  
骨剉一石以水三石煮之三沸漉去滓以汁漬附子  
五枚三四日去附子以汁和蠶矢羊矢各等分撓令  
洞洞如稠粥先種二十日時以溲種如麥飯狀常天  
旱燥時溲之立乾薄布數撓令易乾明日復溲天陰

雨則勿溲六七溲而止輒曝謹藏勿令復溼至可種  
時以餘汁溲而種之則禾稼不蝗蟲無馬骨亦可用  
雪汁雪汁者五穀之精也使稼耐旱常以冬藏雪汁  
器盛埋於地中治種如此則收常倍 齊民要術卷一  
太平御覽卷一  
入百三十二引多脫異又卷八百三十九引云種禾無期至  
五穀之精句又卷八百三十九引云種禾無期至  
禾不蟲又卷九百五十六引云種禾無期因地無  
時三月榆莢雨時高地強土可種禾又卷十二引  
作取雪汁以漬原蠶矢漬之五六日待釋手援之  
和穀種之能御旱故謂雪為五穀精也歐陽詢藝  
文類聚卷二引又作五六日  
釋因摩之雜穀種使稼能旱

植禾夏至後八十九日常夜半候之天有霜若白



霜下一平明時令兩人持長索相對各持一端以槩  
禾中去霜露日出乃止如此禾稼五穀不傷矣

齊民要術

卷一

區種法篇

湯有旱災伊尹作為區田教民糞種負水澆稼區田  
以糞氣為美非必須良田也諸山陵近邑高危傾阪  
及邱城上皆可為區田區田不耕旁地庶盡地力凡  
區種不先治地便荒地為之以畝為率令一畝之地  
長十八丈廣四丈八尺當橫分十八丈作十五町町

間分為十四道以避行人道廣一尺五寸町皆廣一  
尺五寸長四丈八尺尺直橫鑿町作溝溝一尺深亦  
一尺積穰於溝間相去亦一尺嘗悉以一尺地積穰  
不相受令宏作二尺地以積穰種禾黍於溝間夾溝  
為兩行去溝兩邊各二寸半中央相去五寸旁行相  
去亦五寸一溝容四十四株一畝合萬五千七百五  
十株種禾麥令上有一寸土不可令過一寸亦不可  
令減一寸凡區種麥令相去二寸一行一溝容五十  
二株一畝凡四萬五千五百五十株麥上土令厚二

寸凡區種大豆令相去一尺一寸一溝容九株一畝  
凡六千四百八十株禾一斗有五萬一千餘粒黍亦少此少許大豆一萬五千餘粒  
區種荏令相去三尺胡麻相去一尺區種天旱常溉  
之一畝常收百斛上農夫區方深各六寸間相去九  
寸一畝三千七百區一日作千區區種粟二十粒美  
糞一升合土和之畝用種二升秋收區別三升粟畝  
收百斛丁男長女治十畝十畝收千石歲食三十六  
石支二十六年中農夫區方七寸齊民要術引作九寸據後漢書注正  
深六寸相去二尺一畝千二十七區用種一升收粟

五十一石一日作三百區下農夫區方九寸深六寸  
相去二尺一畝五百六十七區用種六升收二十八  
石一日作二百區區中草生菱之區間草以剗剗之  
若以鋤鋤苗長不能耘之者以剛鎌比地刈其草矣

齊民要術卷一 後漢書劉般傳章懷太子注引  
上農區田法區方深各六寸間相去七寸一畝三  
千七百區丁男女種十畝至秋收區三升粟畝得  
百斛中農區田法方七寸深六寸間相去二尺一  
畝千二十七區丁男女種十畝秋收粟畝得五十  
一石下農區田法方九寸深六寸間相去三尺秋  
收畝得二十八石旱即以水沃之文選穉叔夜養  
生論注引上農區田至得百斛區方深上有夫字  
驗美田至十九石中田十三石薄田一十石尹澤取

減法神農復加之骨汁糞汁種種剉馬骨牛羊猪麋  
 鹿骨一斗以雪汁三斗煮之三沸取汁以漬附子率  
 汁一斗附子五枚漬之五日去附子搗麋鹿羊矢等  
 分置汁中熟撓和之候晏温又洩曝狀如后稷法皆  
 洩汁乾乃止若無骨煮線蛹汁和洩如此則以區種  
 之大旱澆之其收至畝百石以上十倍於后稷此言  
 馬蠶皆蟲之先也及附子合稼耐旱終歲不失於穫  
 穫不可不速常以急疾為務芒張葉黃捷穫之無疑  
 穫禾之法熟過半斷之齊民要術卷一 周禮地官  
 草人鄭元注土化之法化之

使美若沘勝之  
 術也當指此節

黍稷篇

黍者暑也種必待暑先夏至二十日此時有雨強土  
 可種黍畝三升黍心未主雨灌其心心傷無實黍心  
 初生畏天露令兩人對持長索槩一作去其露日出  
 乃止凡種黍覆土鋤治皆如禾法欲疏一作於禾齊  
要術卷二 太平御覽卷八百三十八又八百四  
 十二引與要術互有詳略徐堅初學記卷二十七  
 引首三句作黍者暑也種  
 必除暑先夏至三十日

大豆篇

大豆保歲易為宜古之所以備凶年也謹計家口數  
 種大豆率人五畝此田之本也三月榆莢時有雨高  
 田可種大豆土和無塊畝五升土不和則益之種大  
 豆夏至後二十日尚可種戴甲而生不用深耕大豆  
 須均而稀豆花憎見日見日則黃爛而根焦也獲豆  
 之法莢黑而莖蒼輒收無疑其實將落反失之故曰  
 豆熟於場於場穫豆即青莢在上黑莢在下齊民要術卷二  
 區種大豆法坎方深各六寸相去二尺一畝得千六  
 百八十株其坎成取美糞一升合坎中土攪和以內

坎中臨種沃之坎三升水坎內豆三粒覆上土勿厚  
 以掌抑之令種與土相親一畝用種一升用糞十六  
 石八斗豆生五六葉鋤之旱者溉之坎三升水丁夫  
 一人可治五畝至秋一畝中十六石種之上土纔令

蔽豆耳同上

小豆篇

小豆不保歲難得堪黑時注雨種畝一升豆生布葉  
 鋤之生五六葉又鋤之大豆小豆不可盡治也古所  
 以不盡治者豆生布葉豆有膏盡治之則傷膏傷則

不成而民盡治故其收耗折也故曰豆不可盡治養  
美田畝可十石以薄田尚可畝取五石同上

麻子篇

種麻預調和田二月下旬三月上旬傍雨種之麻生  
布葉鋤之率九尺一樹樹高一尺以蠶矢糞之樹三  
升無蠶矢以溷中熟糞糞之亦善樹一升天旱以流  
水澆之樹五升無流水曝井水殺其寒氣以澆之雨  
澤適時勿澆澆不欲數養麻如此美田則畝五十石  
及百石薄田尚三十石穫麻之法霜下實成速斫之

其樹大者以鋸鋸之

齊民要術卷二 太平御覽卷八百三十八引首四句文小異

種麻篇

種泉春凍解耕治其土春草生布糞田復耕平摩之

太平御覽卷八百二十二

種泉太早則剛堅厚皮多節晚則不堅寧失於早不  
失於晚穫麻之法穗勃勃如灰拔之夏至後二十日  
漚泉泉和如絲齊民要術卷二

大小麥篇

凡田有六道麥為首種種麥得時無不善夏至後七

十日可種宿麥早種則蟲而有節晚種則穗小而小  
 實當種麥若天旱無雨澤則薄漬麥種以酢漿并蠶  
 矢夜半漬向晨速投之令與白露俱下酢漿令麥耐  
 旱蠶矢令麥忍寒麥生黃色傷於太稠稠者鋤而稀  
 之秋鋤以棘柴糞之以壅麥根故諺曰子欲富黃金  
 覆黃金覆者謂秋鋤麥曳柴壅麥根也至春凍解棘  
 柴曳之突絕其乾葉須麥生復鋤之到榆莢時注雨  
 止候土白背復鋤如此則收必倍冬雨雪止以物輒  
 藺麥上掩其雪勿令從風飛去後雪復如此則麥耐

旱多實春凍解耕如土種旋麥麥生根茂盛莽鋤如

宿麥齊民要術卷二 太平御覽卷八百二十三又卷八百三十八引皆略

區麥種區大小如中農夫區禾收區種凡種一畝用  
 子二升覆土厚二寸以足踐之令種土相親麥生根  
 成鋤區間秋草緣以棘柴律土壅麥根秋旱則以桑  
 落曉澆之秋雨澤適勿澆之麥凍解棘柴律之突絕  
 其枯葉區間草生鋤之十男大女治十畝至五月收  
 區一畝得百石以上十畝得千石以上小麥忌戊大

麥忌子除日不中種齊民要術卷二

種稻篇

種稻春凍解耕反其土種稻區不欲大大則水深淺  
不適冬至後一百一十日可種稻稻地美用種畝四  
升始種稻欲溼溼者缺其脰令水道相直夏至後大  
熱令水道錯齊民要術卷二 太平御覽卷八百三  
十九引無始種以下不適作不遍四升

作四

種稗篇

稗既堪水旱種無不熟之時又特滋茂盛易生蕪穢  
良田畝得二三十斛宜種之備凶年稗中有米熟擣

取米炊食之不減粟米又可釀作酒

齊民要術卷一 太平御覽卷一

八百二十三引易生作易得粟米作黍米作酒下  
有武帝時令典農種之一頃收二千斛得米三斗  
大儉可磨食之按此乃賈思勰引汜勝之書下自  
為注語以證備凶年之意原文作魏武御覽誤作  
武帝又訛為汜書正文元農桑輯要卷二引汜勝  
之書此節下全載思勰注文亦作魏武甚分明

汜勝之書卷下

種瓜篇

區種瓜一畝爲二十四科區方圓三尺深五寸一科  
 用一石糞糞與土合和令相半以三斗瓦甕埋著科  
 中央令甕口上與地平盛水甕中令滿種瓜甕四面  
 各一子以瓦蓋甕口水或減增常令水滿種常以冬  
 至後九十日百日得戊辰日種之又種薤十根令週  
 迴甕居瓜子外至五月瓜熟薤可拔賣之與瓜相避  
 又可種小豆於瓜中畝四五升其藿可賣此法宜平



地瓜收畝萬錢 齊民要術卷三

種瓠篇

種瓠法以三月耕良田十畝作區方深一尺以杵築之令可居澤相去一步區種四實蠶矢一斗與土糞合澆之水二升所乾處復澆之著三實以馬箠散其心勿令蔓延實實細以藁薦其下無令親土多瘡瘡度可作瓢以手摩其實從蒂至底去其毛不復長且厚八月微霜下收取掘地深一丈薦以藁四邊各厚一尺以實置孔中令底下句瓠一行覆上土厚二

尺二十日出黃色好破以為瓢 其中白膚以養豬致肥其辦以作燭致明一本三實一區十二實一畝得二千八百八十實十畝凡得五萬七千六百瓢瓢直十錢並直五十七萬六千文用蠶矢二百石牛耕功力直二萬六千文餘有五十五萬肥豬明燭利在其外同上

區種瓠法收種子須大者若先受一斗者得收一石受一石者得收十石先掘地作坑方圓深各三尺用蠶沙與土相和令中半 若無蠶沙生牛糞亦得 著坑中足躡令

堅以水沃之候水盡卽下瓠子十顆復以前糞覆之  
既生長二尺餘便總聚十莖一處以布纏之五寸許  
復用泥泥之不過數日便合爲一莖留強者餘悉掐  
去引蔓結子子外之條亦掐去之勿令蔓延留子法  
初生二三子不佳去之取第四五六區留三子卽足  
旱時須澆之坑畔周匝小渠子深四五寸以水停之  
令其遙潤不得坑中下水同上

種芋篇

種芋區方深皆三尺取豆其內區中足踐之厚尺五

寸取區上溼土與糞和之內區中其上令厚尺二寸  
以水澆之足踐令保澤取五芋子置四角及中央足  
踐之旱數澆之其爛芋生子皆長三尺一區收三石

齊民要術卷三 太平御覽卷九百  
七十五引云區種芋法區收三石

又種芋法宜擇肥緩土近水處和柔糞之二月注雨  
可種芋率二尺下一本芋生根欲深斲其旁以緩其  
土旱則澆之有草鋤之不厭數多治芋如此其收常

倍齊民要  
術卷三

種桑篇

種桑法五月取椹著水中卽以手漬之以水灌洗取  
子陰乾治肥田四十畝荒田久不耕者尤善好耕治  
之每畝以黍椹子各三升合種之黍桑當俱生鋤之  
桑令稀疏調適黍熟穫之桑生正與黍高平因以利  
鎌摩地刈之曝令燥後有風調放火燒之常逆風起  
火桑至春生一畝食三箔蠶齊民要術卷五 太平御覽卷九百五十五  
吳淑事類賦注

雜篇上

神農之教雖有石城湯池帶甲百萬而無粟者不能

守也文選王元長永明九年策秀才文注又范蔚宗後漢書光武紀贊注引無帶甲句脫有字而字

夫穀命實天下之命衛尉前上蠶法今上農事人所

忽略故尉勤之可謂忠國憂民之至藝文類聚卷八十五接而無粟

者不能守也 太平御覽卷八百二十二引衛尉已下

雜篇下

吳王濞開茱萸溝通運至海陵倉北有茱萸村以村立名故史記云邗溝卽吳王夫差所開漕運以通上

國太平御覽卷七十五

農事情與其力相十倍太平御覽卷八百二十二

已勝之書 卷下 四鄰媛館補校

蔡癸書一卷漢蔡癸撰漢志農家有蔡癸一篇注宣  
 帝時以言便宜至宏農太守師古曰劉向別錄云邯  
 鄲人其書隋唐志皆不著錄佚已久考賈思勰齊民  
 要術引崔實政論有趙過教民耕殖其法三犁共一  
 牛云云而太平御覽引作宣帝使蔡癸校民耕事文  
 正同蓋癸書述趙過法而崔氏引之也又漢書食貨  
 志詳言趙過代田之法後次以蔡癸以好農使勸郡  
 國至大官知當日校民耕植不外代田也茲據採補  
 附錄漢志俾有徵攷農圃小道亦具見師承如此歷

城馬國翰竹吾甫

六十九卷六十六

蔡癸書

漢 蔡癸 撰

武帝以趙過為搜粟都尉教民耕殖御覽引其法三

犁共一牛一人將之御覽引下種挽耬皆取備焉日

種一頃至今三輔猶賴其利賈思勰齊民要術卷一

三引至一人將之又入百二十二引崔元始正論

日宣帝使蔡癸校民耕相三犁共一牛一人持之

下種挽耬皆取備焉日種一頃也蓋要術撮

用崔實引蔡癸語御覽說癸為登今改正

附錄

蔡癸書

一 椰嬛館補校

武帝末年悔征伐之事迺封丞相為富民侯下詔

曰方今之務在於力農以趙過爲搜粟都尉尉過能爲伐田一晦三剛歲代處故曰代田古法也后稷始剛田以二耜爲耨廣尺深尺田剛長終晦一晦三剛一夫三百剛而播種於剛中苗生葉以上稍耨隴草因隕其土以附根苗故其詩曰或芸或芋黍稷儼儼芸除草也秔附根也言苗稍壯每耨輒附根比盛暑隴盡而根深能風與旱故儼儼而盛也其耕耘下種田器皆有便巧率十二夫爲田一井一屋故晦五頃用耨犁二牛三人一歲之收

常過縵田晦一斛以上善者倍之過使教田太常三輔大農置工巧奴與從事爲作田器二千石遣令長三老力田及里艾老善田者受田器學耕種養苗狀民或苦少牛亡以趨澤故平都令光教過以輓犁過奏光以爲丞教民相與庸輓犁率多人者田日三十晦少者十三晦以故田多墾闢過試以離宮卒田其宮墻地課得穀皆多其旁田晦一斛以上令命家田三輔公田又教邊郡及居延城是後邊城河東宏農三輔太常民皆便代田用力

少而得穀多

漢書食貨志

養羊法一卷漢卜式撰式河南人以田畜為事武帝時輸家財助邊名拜中郎官至御史大夫左遷太子太傅事蹟具漢書本傳其人蓋心計之士殊無足取徇其論牧羊如治民以時起居惡者輒去母令敗羣頗得持要之旨史稱式不習文章未必能著書傳世而梁七錄有卜式養羊法一卷疑出依託為之隋書經籍志注云亡考賈思勰齊民要術載養羊篇中引卜式蓋遺法也茲據補錄畜牧而求肥息者或有取於斯焉涇城馬國翰竹吾甫

養羊法

序

一 卿媛館補校

養羊法

漢 卜式 撰

常留臘月正月生羔為種者十一月二月生者次  
 之大率十口一羝羝無角者更佳供厨者宜刺之羊  
 必須老人及心性宛順者起居以時調其宜適牧民  
 何異於是唯遠水為良二日一飲緩驅行勿停息春  
 夏早放秋冬晚出圈不厭近必須與人居相連開窗  
 向圈架北牆為厰圈中作臺開竇無令停水二日一  
 除勿使糞穢圈內須並牆豎柴柵令周匝羊一千口

養羊法

一 如嬛館補校



者三月中種大豆一頃雜穀并草留之不須鋤治  
八九月終刈作青茭若不種豆穀者初草實成時收  
刈雜草薄鋪使乾勿令鬱沍既至冬寒多饒風霜或  
春初雨落青草未生時則須飼不宜出放積茭之法  
於高燥之處豎桑棘木作兩圓柵各五六步許積茭  
著柵中高一丈亦無嫌任羊達柵指食竟日通夜口  
常不住終冬過春無不肥充若不作柵假有干車茭  
擲與十口羊亦不得飽羣羊踐躡而已不得一莖入  
口不收茭者初冬乘秋似如有膚羊羔乳食其母比

至正月母皆瘦死羔小未能獨食水草尋亦俱死非  
直不滋息或滅羣斷種矣寒月生者須然火於其邊  
凡初產者宜煮穀豆飼之白羊留母二三日即母子  
俱放殺羊但留母一日寒月者內羔子坑中日父母  
還乃出之十五日後方喫草乃放之白羊三月得草  
力毛牀動則鉸之五月毛牀將落鉸取之八月初胡  
菓子未成時又鉸之

賈思勰齊民  
要術卷六

家政法一卷撰人名氏闕隋唐志無此書之目唯賈  
 思勰齊民要術引之輯得十一節言種葵蓼芋蔗之  
 候與夫養羊雞之法案隋志醫方類梁有家政方十  
 二卷亡又農家類有月政畜牧栽種法一卷亡此書  
 名家政也與家政方同而初不及醫療書之所言頗  
 與月政畜牧栽種法合而書題實作家政疑不能定  
 始依賈氏題錄列於農家焉歷城馬國翰竹吾甫

家政法

正月旦取楊柳枝著戶上百鬼不入家

賈思勰齊民要術卷五

種箕柳法山澗河旁及下田不得五穀之處水盡乾

時熟耕數遍至春凍釋於山陂河坎之旁刈取箕柳

三寸絕之漫散即勞勞訖引水停之至秋任為簸箕

五條一錢一畝歲收萬錢

同上

正月種葵

齊民要術卷三

二月可種瓜瓠

齊民要術卷二

二月可種芋也

同上

家政法

加媛館補校

三月可種蓼同上

三月可種甘蔗齊民要術卷十

四月伐牛骨茭

四月毒草與茭豆不殊齊俗不收所失大也齊民要術

卷六

養羊法當以瓦器盛一升鹽懸羊欄中羊喜鹽自數過啖之不勞人收同上

羊有病輒相污欲令別病法當欄前作瀆深二尺廣四尺往還皆跳過者無病不能過者入瀆中行過便

別同上

養雞法二月先耕一畝作田秫粥灑之刈生茅覆上自生白蟲便買黃雌雞十隻雄一隻於地上作屋方廣丈五於屋下懸簣令雞宿上并作雞籠懸中夏月盛晝雞當還屋下息并於園中築作小屋覆雞雞得養子鳥不得就同上

玉函山房輯佚書目

卷七十

子編道家類

伊尹書一卷

商伊摯

辛甲書一卷

周辛甲

公子牟子一卷

田子一卷

周田駢

老萊子一卷

黔婁子一卷

鄭長者書一卷

玉函山房遺失書

總目

婦孺館補校

任子道論一卷 魏任嘏

洞極真經一卷 魏關朗

唐子一卷 吳唐滂

蘇子一卷 晉蘇彥

陸子一卷 晉陸雲

伊尹書一卷商伊摯撰史記殷本紀云伊尹名阿衡欲于湯而無由乃為有莘氏媵臣負鼎俎以滋味說湯致于王道案皇甫謐帝王世紀云初力牧之後曰伊摯耕於有莘之野是伊尹名摯也詩商頌長發鄭康成箋阿倚也衡平也伊尹湯所依倚而取平故以為官名是阿衡乃伊尹官號非名也孟子辨伊尹割烹要湯之事云伊尹耕於有莘之野而樂堯舜之道焉云湯使人以幣聘之云湯三使往聘之出處詳明如此何史遷誤信戰國游士之談而以為媵臣負鼎

伊尹書

序

如煨館補校

祖重誣之也漢書藝文志道家伊尹五十一篇注湯相又小說家伊尹說二十七篇注其語淺薄似依託也隋唐志均不著錄佚已久茲從逸周書呂氏春秋齊民要術劉向七畧別錄說苑尸子等書輯得十一篇其有篇目可攷者五篇餘俱收入雜篇錄為一帙四方令區田法及論公卿大夫列士體國經野與周公規模不異本味一篇要即鹽梅和羹之旨而以奇偉之筆出之不知者遂以割烹備會而有庖人酒保之枝辭也至於九主之名及阻職貢之策與戰國術

士語近殆所謂依託者乎今亦不能區分統裒一編依班志入道家云歷城馬國翰竹吾甫

伊尹書

商 伊摯 撰

四方令

逸周書曰伊尹朝獻商書不周書錄中以事類來附

湯問伊尹曰諸侯來獻或無馬牛之所生而獻遠方之物事實相反不利今吾欲因其地勢所有獻之必易得而不貴其為四方獻令伊尹受命於是為四方令曰臣請正東符婁仇州伊慮漚深九夷十蠻越漚鬻文身請令以魚支之鞞 劍之醬鮫殿利劍為獻正南甌鄧柱國損子產里百濮九菌請令以珠璣璫

伊尹書

一 娜嬛館補校



瑁象齒文犀翠羽菌鶴短狗為獻正南崑崙狗國鬼  
親枳已闕耳貫胸雕題離丘漆齒請令以丹青白旄  
紕芻江歷龍角神龜為獻正北空同大夏莎車姑他  
且畧貌胡戎翟匈奴樓煩月氏熾犁其龍東胡請令  
以橐駝白玉野馬駒駝駃騠良弓為獻湯曰善逸周書王

會解

本味

湯得伊尹祓之於廟爇以燿火釁以犧豷明日設朝  
而見之說湯以至味湯曰可對而為乎對曰君之國

小不足以具之為天子然後可具夫三羣之蟲水居  
者腥肉攫者臊草食者羶臭惡猶美皆有所以凡味  
之本水最為始五味三材九沸九變火為之紀時疾  
時徐滅腥去臊除羶必以其勝無失其理調和之事  
必以甘酸苦辛鹹先後多少其齊甚微皆有自起鼎  
中之變精妙微纖口弗能言志弗能喻若射御之微  
陰陽之化四時之數故久而不弊熟而不爛甘而不  
噉集韻入聲十九鐸饋噉注引酸而不酷顧野王玉  
伊尹曰甘而不銷肥而不饒酸而不酷顧野王玉  
字注引伊尹辛而不烈澹而不薄肥而不膩肉之美  
日酸而不噉

伊尹書

鄭媛館補校

者猩猩之唇獾獾之炙雋鱻之翠逃蕩之擊旄象之  
約流沙之西丹山之南有鳳之九沃民所食魚之美  
者洞庭之鱒東海之鮪醴水之魚名曰朱鼈六足有  
珠百碧萑水之魚名曰緇其狀若鯉而有翼常從西  
海夜飛遊於東海菜之美者崑崙之蘋壽木之華指  
姑之東中容之國有赤木元木之葉焉餘瞽之南南  
極之崖有菜其名曰嘉樹其色若碧陽華之芸雲夢  
之芹具區之菁浸淵之草名曰土英和之美者陽樸  
之薑招搖之桂越駱之茵鱣鮪之醢大夏之鹽宰揭

之露其色如玉長澤之卯飯之美者元山之禾不周

之粟陽山之稌南海之秬許慎說文解字禾部秬字

山之禾南海之秬集韻去聲三十七号秬字注同水之美者三危之露崑崙

之井沮江之丘名曰搖水白山之水高泉之山其上

有湧泉焉冀州之原果之美者沙棠之實常山之北

披淵之上有百果焉羣帝所食箕山之東青鳥之所

有甘櫨焉史記司馬相如傳司馬貞索隱劭曰伊尹書云箕山之東青鳥之所有盧橘夏熟

江浦之橘雲夢之柚漢上石耳所以致之馬之美者

青龍之匹遺風之乘非先為天子不可得而具天子

不可疆爲必先知道道者止彼在己己成而天子成  
天子成則至味具故審近所以知遠也成己所以成  
人也聖王之要矣豈越越多業哉

呂氏春秋本味篇

先己

湯問於伊尹曰欲取天下若何伊尹對曰欲取天下  
天下不可取可取身將先取凡事之本必先治身畜  
其大寶用其新棄其陳腠理遂通精氣日新邪氣盡  
去及其天年此之謂真人昔者先王成其身而天下  
成治其身而天下治故善響者不於響於聲善影者

不於影於形爲天下者不於天下於身

呂氏春秋先己篇

九主

伊尹從湯言素王及九主之事

史記般本紀

九主者有法

君專君授君勞君等君寄君破君國君三歲社君凡

九品圖畫其形

劉向七畧則錄

區田

湯有旱災伊尹作爲區田教民糞種負水澆稼區田  
以糞氣爲美非必須良田也諸山陵近邑高危傾阪  
及邱城上皆可爲區田區田不耕旁地庶盡地力凡

區種不先治地便荒地爲之以畝爲率令一畝之地  
長十八丈廣四丈八尺當橫分十八丈作十五町町  
間分爲十四道以通行人道廣一尺五寸町皆廣一  
尺五寸長四丈八尺尺直橫鑿町爲溝溝一尺深亦  
一尺積穰於溝間相去亦一尺嘗悉以一尺地積穰  
不相受令宏作二尺地以積穰種禾黍於溝間夾溝  
爲兩行去溝兩邊各二寸半中央相去五寸旁行相  
去亦五寸一溝容四十四株一畝合萬五千七百五  
十株種禾黍令上有一寸土不可令過一寸亦不可

令減一寸凡區種麥令相去二寸一行一溝容五十  
二株一畝凡四萬五千五百五十株麥上土令厚二  
寸凡區種大豆令相去一尺一寸一溝容九株一畝  
凡六千四百八十株區種荏令相去三尺胡麻相去  
一尺區種天旱常溉之一畝常收百斛上農夫區方  
深各六寸間相九寸一畝三千七百區一日作千區  
區種粟二十粒美糞一升合土和之畝用種二升秋  
收區別三升粟畝收百斛丁男長女治十畝十畝收  
千石歲食三十六石支二十六年中農夫區方七寸

齊民要術引作九寸據後漢書注改深六寸相去二尺一畝于二十七

區用種一升收粟五十一石一日作三百區下農夫

區方九寸深六寸相去二尺一畝五百六十七區用

種六升收二十八石一日作二百區區中草生芟之

區間草以剗剗之若以鋤鋤苗長不能耘之者以剗

鎌比地刈其草矣賈思勰齊民要術卷一引范勝之

懷太子注引上農區田以下後漢書劉般傳章

叔夜養生論李善注引上農區田至得百斛文句

皆小異 雜篇凡佚文無篇目可考者統錄於後

湯問伊尹曰壽可為邪伊尹曰五欲之則可為弗欲

則不可為也予尸

有殷之時穀生湯之廷三日而大拱湯問伊尹曰何

物也對曰穀樹也湯問何為而生於此伊尹曰穀之

出澤野物也今生天子之廷始不吉也湯曰奈何伊

尹曰臣聞妖者禍之先祥者福之先見妖而為善則

禍不至見祥而為不善則福不臻湯乃齋戒靜處夙

興夜寐弔死問疾救過賑窮七日而穀亡妖孽不見

國家昌韓詩外傳卷三

伊尹書

六姬嬖館補校

湯問伊尹曰三公九卿二十七大夫八十一元士知之有道乎伊尹對曰昔者堯見人而知舜任人然後知禹以成功舉之夫三君之舉賢皆異道而成功然尚有失者况無法度而任亡直意用人必大失矣故君使臣自貢其能則萬一之不失矣王者何以選賢夫王者得賢材以自輔然後治也雖有堯舜之明而股肱不備則主恩不流化澤不行故明君在上慎於擇士務於求賢設四佐以自輔有英俊以治官尊其爵重其祿賢者進以顯榮罷者退而勞力是以主無

遺憂下無邪慝百官能治臣下樂職恩流羣生潤澤草木蒼者虞舜左禹右皋陶不下堂而天下治此使

能之効也 劉向說苑君道篇

湯問伊尹曰三公九卿大夫列士其相去何如伊尹對曰三公者知通於大道應變而不窮辨於萬物之情通於天道者也其言足以調陰陽正四時節風雨如是者舉以為三公故三公之事常在於道也九卿者不失四時通於溝渠修隄防樹五穀通於地理者也能通不能通能利不能利如此者舉以為九卿故

九卿之事常在於德也大夫者出入與民同衆取夫  
 與民同利通於人事行猶舉繩不傷於言言之於世  
 不害於身通於關梁實於府庫如是者舉以為大夫  
 故大夫之事常在於仁也列士者知義而不失其心  
 事功而不獨專其賞忠政強諫而無有姦詐去私立  
 公而言有法度如是者舉以為列士故列士之事常  
 在於義也故道德仁義定而天下正凡此四者明王  
 臣而不臣湯曰何謂臣而不臣伊尹對曰君之所不  
 名臣者四諸父臣而不名諸兄臣而不名先王之臣

臣而不名盛德之士臣而不名是謂大順也

說苑臣術篇

湯問伊尹曰古者所以立三公九卿大夫列士者何  
 伊尹對曰三公者所以參王事也九卿者所以參三  
 公也大夫者所以參九卿也列士者所以參大夫也  
 故參而有參是謂事宗事宗不失外內若一同  
 湯欲伐桀伊尹曰請阻乏貢職以觀其動桀怒起九  
 夷之師以伐之伊尹曰未可彼尚猶能起九夷之師  
 是罪在我也湯乃謝罪請服後入貢職明年又不供  
 貢職桀怒起九夷之師九夷之師不起伊尹曰可矣

湯乃興師伐而殘之遷桀南巢氏焉

說苑權謀篇

七十卷十一

辛甲書一卷周辛甲撰按春秋左氏傳以為周太史劉向別錄以為故殷之臣事紂七十五諫而不聽去之周文王以為公卿封長子漢藝文志道家有辛甲二十九篇隋唐志不著錄佚已久攷左氏春秋襄四年傳魏絳述其虞人之箴韓非子說林引其與周公議伐商蓋之語是佚說之僅存者據輯並附考為卷虞箴似太公金匱陰謀所載武王諸銘其言兵亦略似班志以此書與太公書同入道家知非取課虛而叩寂也歷城馬國翰竹吾甫




辛甲書

周辛甲撰

虞人之箴

芒芒禹迹畫為九州經啓九道民有寢廟獸有茂草  
 各有攸處德用不擾在帝夷羿冒于原獸忘其國恤  
 而思其麀牡武不可重用不恢于夏家獸臣司原敢

告僕夫 春秋左傳  
襄四年

散篇

周公旦已勝殷將攻商 蓋辛公甲曰大難攻小易服

辛甲書

一 鄒媛館補校

不如服衆小以劫大乃攻九夷而商蓋服

韓非子說林

七十卷十三

附考

劉向別錄云辛甲故殷之臣事紂蓋七十五諫而不聽去至周名公與語賢之告文王文王親自迎之以為公卿封長子今上黨所治縣是也

史記周本紀裴駟集解

左傳襄四年昔周辛甲之為太史也命百官箴王闕杜預注辛甲周太史孔穎達正義晉語文王訪于辛尹賈逵以為辛甲尹佚

漢書藝文志道家辛甲二十九篇注紂臣七十五諫而去周封之

辛甲書

附考

二 鄭媛館補校

[Faded text in columns, likely bleed-through from the reverse side]

公子牟子一卷周魏公子牟撰漢志道家公子牟四  
篇注魏之公子也先莊子莊子稱之其書隨唐志皆  
不著目佚已久茲從莊子戰國策呂氏春秋說苑所  
引摭摭物可補曰篇之缺理見其大清辯滔滔宜乎  
折豎白異同之論使公孫龍口呿而舌舉也歷城馬  
國翰竹吾甫

公子牟子

序

娣媛館補校

公子牟子

周 魏公子牟 撰

公孫龍問魏牟曰龍少學先生之道長而明仁義之  
 行合同異離堅白然不然不可困百家之知窮衆  
 口之辯吾自以為至達已今吾聞莊子之言茫焉異  
 之不知論之不及與知之弗若與今吾無所開吾喙  
 敢問其方公子牟隱几太息仰天而笑曰子獨不聞  
 夫埒井之鼃乎謂東海之鼃曰吾樂與吾跳梁乎井  
 榦之上入休乎缺甃之崖赴水則接腋持頤蹶泥則

沒足滅跗還軒解與科斗莫吾能若也且夫擅一壑之水而跨時埴井之樂此亦至矣夫子奚不時來入觀乎東海之鼈左足未入而右膝已繫矣於是逡巡而卻告之海曰夫千里之遠不足以舉其大千仞之高不足以極其深禹之時十年九潦而水弗爲加益湯之時八年七旱而崖不爲加損夫不爲頃久推移不以多少進退者此亦東海之大樂也於是埴井之鼈聞之適適然驚規規然自失也且夫知不知是非之竟而猶欲觀於莊子之言是猶使蚤負山商鉅馳

河也必不勝任矣且夫知不知論極妙之言而自適一時之利者是非埴井之鼈與且彼方趾黃泉而登大皇無南無北爽然四解淪於不測無東無西始於玄冥反於大通子乃規規焉而求之以察索之以辯是直用管闕天用錐指地也不亦小乎子往矣且子獨不聞夫壽陵餘子之學於邯鄲與未得國能又失其故行矣直匍匐而歸耳今子不夫將忘子之故失子之業公孫龍口呿而不合舌舉而不下乃逸而走

莊子秋  
水篇

建信君貴於趙公子魏牟過趙趙王迎之顧反至坐  
 前有尺帛且令工人以為冠工見客來也因避趙王  
 曰公子乃驅後車幸以臨寡人願聞所以為天下魏  
 牟曰王能重王之國若此尺帛則王之國大治矣趙  
 王不說形於顏色曰先生不知寡人不肖使奉社稷  
 豈敢輕國若此魏牟曰王無怒請為王說之曰王有  
 此尺帛何不令前郎中以為冠王曰郎中不知為冠  
 魏牟口為冠而敗之奚虧於王之國而王必待工而  
 後乃使之今為天下之工或非也社稷為虛庚先王

不血食而王不以子工乃與幼艾且王之先帝駕犀

首而驂馬服以與秦角逐秦當時避其鋒今王憊憊

乃輦建信以與強秦角逐臣恐秦折王之轡也戰國策趙

策太平御覽卷六百八十四引桓子新論曰傳  
 記言魏牟北見趙王王方使冠工制冠於前問治  
 國於牟對曰大王誠能重國若此二尺縱則國治  
 且安王曰國所受於先人宗廟社稷至重比之二  
 尺縱何也牟曰大王制冠不使親近而必求良工  
 者非為其敗縱而冠不成與今治國不善則社稷  
 不安宗廟不血食大王不求良士而任使其私愛  
 此非輕國於二尺縱之制耶王無以應又虞世南  
 北堂書鈔卷一百二十七引魏牟見趙王至  
 敗縱而冠不成與縱作縱約用此篇之義

中山公子牟謂瞻子曰身在江海之上心居乎魏闕

之下奈何瞻子曰重生重生則輕利莊子作利輕中山公

子牟曰雖知之猶不能自勝也莊子無猶字不作未瞻子曰不

能自勝則從呂氏春秋作縱之神無惡乎不能自勝而強不

從者此之謂重傷重傷之人無壽類矣莊子讓王篇呂氏春秋

審為篇淮南子道應訓引作詹子

魏公子牟東行穰侯送之曰先生將去冉之山東矣

獨無一言以教冉乎魏公子牟曰微君之言牟幾忘

語吾君君知夫官不與勢期而勢自至乎勢不與富

期而富自至乎富不與貴期而貴自至乎貴不與驕

期而驕自至乎驕不與罪期而罪自至乎罪不與而

死自至乎穰侯曰善敬受明教劉向說苑敬慎篇





